

مجموعہ ابوالضیا

ماسوا شاہہ سندن دلی تطہیرہ چالش
پر توحکمت و عرفان ایلہ تنویرہ آتش

علوم و معارفین بحث ایڈرہ و حرماہ عربی ابتدایہ اون بشندہ نشر اول نور فنون غزتمیدرہ

نومرو ۱۶ - جلد ۲ [فی حرہ جادی الاول سنہ ۱۲۹۸] نسخہ سی ۳ فروش

ملفوظات تاریخیه

—

بیوک ناپولیون علیهنه فوق العاده تشبثات سیاسیه ده بولمقله مشهور اولان انکلتزه باش و کیلی (پیت) همشیره سنک - اقربالرندن بولنان - بر لورد طرفندن معاش قبول ایتمکلمنه حدت ایدهرک، مومی الیهایه مکتوب آتی بی یازمشدر .

« بن بزم فاملیامزده بو قدر دنانت بولنه یله جکنی تصور ایدهمز - دم . (پیت) نامیله معاش نامی یکدیگریله اصلا و قطعا توافق ایتز . »
براز مدت صکره ینته ذکر اولنان لورد (پیت) دخی سنوی اوج بیک لیرا معاش تخصیص ایدهرک، پیتک دخی مع المنونیه قبول ایلدیکنی همشیره سی استخبار ایلدکده وقتیه قرداشنک کندیسنه یازدیخی مکتوبک بر صورتی چیقارهرق، درحال مومی الیهه کوندرمشدر .

—

اوروپا قابینه مجلسلربنک ظن اولندیخی قدر منتظم اولدیغنه موسیو (آرتور هلیس) نام مورخک فقره آیه سندن استدلال اولنور .
سالف الذکر (پیت) نقریس علتنه مبتلا اولدیغندن، اکثر اوقاتی یتاقده امرار ایلردی . برکون و کلادن (دوق دو نوفاسل) نام ذاتی بر مسئله مهمه اوزرینه مذاکره ایچون دعوت ایله قلمه آلمش اولدیخی لایحه بی اوقومغه باشلار .

موسم ایسه قیش اولوب، حال بوکده سالونده آتشدن نشان اولدیغندن، (دوق دو نوفاسل) صغوقدن باریتق ایچون (مادام پینک) قاریوله سنه النجادن بشقه چاره بوله مز . بناء علیه ایکی منسترو خسته لی کبی یتاقده یاندقلری حالده بحث و مذاکره ایدرلر .

—

محاکمه داتر فقرات تاریخیه یازان « ژوریسپرودانسیا » نام مجموعه ده انکلتزه به داتر شو فقره غریبه کورولمشدر :

فرانسه قرالی آلتنجی (شارل) زمانده پارس پارلمنتوسی اعضاسنك معاشی صفت روحانیه بی حائز اولدقلری حالدیه یومی بش (صو) ۴۵ پاره و جسمانی صنفندن بولندقلری حالدیه اون (صو) ایدی .
او تاریخده انکلیز فرانسه بی استیلا ابتدکارندن سو اداره لری حسینیه بو معاشلر نادییه و پارلمنتونك مهمات قرطاسیه سی بیله تدارك اولنه مزدی .

پارس پارلمنتوسنك ۲۴ نشرین ثانی ۱۴۲۳ تاریخلی قیودنده کوریلان فقره آتیه مضایقه نك درجه سنی تعیینه کافیدر :
« ضبط کانی، فرانسه قرالی آلتنجی شالک پارسه عودت و دخولی مناسبیه اجرا اولنان مر ایمی (تیر شه) بولمندیغندن، و تیر شه مبايعه سی ایچون پارلمنتوده آقچه اولمندیغندن، بر تفصیل یازمه مدیفنی قیدایتشدیر . »

انکلیزیه برنجی دفعه کیدن عثمانلی سفیرینك اسمی (حسین چاوش) اوله رق، مومی الیهک بو سفارتی سلطان عثمان ثانینك جلوسنی انکلیزیه دولته اخبار مقصدیه ایدی .

فرانسه یه کیدن ابلاک عثمانلی سفیر دخی دفتر دار (مالیه ناظری) محمد افندیبر که یکرمی سکر لقبیه معروفدر .
تاریخ سفارتی سلطان احمد ثالث دورنده یعنی هجرتك ۱۲۳۲ سنه سنه مصادفدر که (سفیه) لقبیه مشهور اولان داماد ابراهیم پاشانك تنسیبیه اعزام قلمشدر . اولزمان فرانسه قرالی اون بشنجی لوقی اولوب هنوز صبی ایدی .

محمد افندیك سفارتی ثمره سز قلمدی؛ زیرا عودتنده فن طباعت ادواتی کتیر دیکندن مجار مهتدیلرندن ابراهیم افندیك همت و ترتیبی ايله حروف عثمانیه حك و اضاعه ایلدی .

سفیر افندی در سعادتن حرکتک بشنخی ماهی پارسه و اصل
اولش؛ و بومدک فقط قرق کونی طولونده قرانته بکلمکه امرار ایشدر.

ملاحظات حکمیه

چل آتیه فلاطونه منو پدر:

انسان هر صباح آینه ده کندی
بوزینه نظر ایتلی در؛ اگر کوزل
ایسه بر فعل قبیح ارتکابیه کوزل لکنه
نقیصه ابراندن اجتناب، و
چرکین ایسه ایکی قبیحی بر آره به
کتیر مکه حجاب ایلیه.

*

اختیار لغک مونه قریبتی اولش
میوه نک روز کار اسمکله یره دوشمکه
استعدادی قبیلندن در.

*

عقل طبیعی انسانک باطننده
اولوب آغاجک طمرلی مثابه سنده در.
و تعلیم ایله حاصل اولان عقل انسانک
خارجنده در که آغاجک دالارنده
میوه و یرن محلی منزله سنده در.

*

اجسادک قوتی اطعمه دن
و عقولک قوتی حکمتدن حاصل

اولور؛ بناء علیه عقول حکمتدن
محروم فالدقه اجسادک فقدان طعمه
مده هلاکه ابردیکی کبی هلاک اولور.

*

والده لچو جو قورینی طعامه
باشلا تمزدن اول سودایله بسلدکاری
کبی، استاد کامل دخی شاگردینه
علوم دقیقه تدریسندن اول علوم
سهله تعلیم ایدر.

*

کفران نعمت محرومیتی مؤدی
اولور.

*

عاقل اولان ذات عظمناک
کندی سینه جفا و جهلایه جاه و منزلت
اعطا ایتسندن شکایت ایتز؛ زیرا
بیلر که دنیاده قسمتلر هر کسک قدر
و استحقاقنه کوره تقسیم اولنماشدر.

*

مسک هر نه قدر اخفا اولنسه